

کمرک رسومی

مختلف ناملرایله کمرک رسمی استیفا ایتمک اصولی یک قدیمدر . خزینہ سنہ
تأمین واردات ایچون بواسولہ مراجعت ایتماش هیچ بر دولت یوقدر . کمرک
رسومی حقندہ کی نظریہ لر مختلفدر . بعضاً بورسوم بر مملکتندہ تجار اجنبیہ نک
مظہر اولدقلری حمایہ مقابلی ویا محصولات محلیہ اوزرینہ ضرب ایدی لان تکالیف
معادلی وبعضاً استہلاکی عموم ایچون ضروری اولوبدہ ادخال ایدلدکلری مملکتندہ
وجودہ کلیان بعض محصولات اجنبیہ تاجرینک کسب ایدہ جکی تتمعدن خزینہ
دولتکدہ حصہ دار اولہ بیلمسی ایچون تطبیق قولای بر تدبیر عد اولنہ رق
سواحلدہ ویاخود حدود بویندہ اخذ واستیفا ایدیله گلشد .

انجق مرور زمانلہ پعضلر کندو مملکتلرنندہ وجودہ کتیریلان محصولات
ومصنوعاتک داخل مملکتندہ رواجی وبناء علیہ زراعت وصنایعک ترقیسنی
تأمین ایتمک داعیہ سنہ دوشہرک ممالک اجنبیہ دن کندو مملکتلرینہ نقل و ادخال
اولنان محصولات ومصنوعات ممائلہ اوزرینہ اغر کمرک رسملری طرح ایتمک
باشلامش اولدقلرندن کمرک رسومی خزینہ دولته واردات تدارکنہ خادم بواسطہ
اولمقدن زیادہ بواسطہ حمایتکاری ماہیتی اکتساب ایتمشدر . اصول حمایتکاری
مظہر رغبت اولہ رق ہان بتون اوروپا دولتلرینہ سرایت ایتمش ایسہدہ بالاخرہ
فائدہ دن زیادہ مضرتی کورلمسیلہ بوندن فراغت ایدلمشیدی . لکن بوکون دخی
دول اجنبیہ نک تعرفلری تدقیق اولنہ جق اولور ایسہ ینہ اصول حمایتہ رعایت
اولندینی اکلاشلیور . بنابرین کمرک رسومی ، خزینہ دولته واردات تدارکنہ

مدار بواسطه وزارت و صنایع محلیه بی رقابت اجنبیه قارشو محافظه ایدرک ترقیاتی تأمینہ خادم بر تدبیر حمایتکاری اعتباریله ایکی صنفه تقسیم اولنه بیلور. کمرک رسومنده مالی و اقتصادی برچوق مسائل مند مجدر. صرف مالی اولان مسائل معتدل و یا بوکسک تعرفه لک واردات رسومیه اوزرنده کی تأثیرندن اقتصادی مسائل ایسه محصولات اجنبیه نک رقابتیه میدان بر اقیان رسوم حمایتکاری نک و یا رقابت اجنبیه یه مساعد اولان معتدل رسومک محصولات و مصنوعات محلیه نک رواج و ترقیسی وانک ضمننده ثروت ملیه نک ترایدی اوزرنده اجرا ایتمدیکی تأثیراتدن عبارتدر. برده عجیا بر مملکتده ارباب زراعت، تجارت و صنایع اوزرینه ضرب ایدیلان تکالیف عمومیه یه مقابل اولمق اوزره تکالیف داخلیه سی معتدل بولنان بر مملکتدن ادخال ایدیله چک محصولاتدن ادخالات رسومی طرح ایتمک موجب فائده و موافق حقانیتیمدر.

ایشته بوکی مسائل « اصول سربستی مبادله » و « اصول حمایت » کی یکدیگرینه ضد اولان ایکی اصولک وجود بولمسه سبب اولمشدر. بوا یکی اصولک تفصیلاتنه کیریشیلهرک یکدیگرینه مقایسه ایتمک اوزون اوله جفتدن بوراده یالکیز طرفدارانک ترویج ادعا ایچون درمیان ایستدکاری دلائل ذکر اوله جقدر.

حمایت نظریه سی ترویج ایدنلر دیورلرکه « بر مملکتک ثروتی سعی و عمل ایله تأمین اولنه سیله چکی جهتله حکومت زراعت تجارت و صنایع محلیه بی ، « رقابت اجنبیه قارشو وقایه ایتمک صورتیه افراد ملتک مساعدیسی ، ثمره دار « قیلمق نه یه متوقف ایسه اکا مراجعت وظیفه سیله مکلفدر ، بر مملکت کندو « اهالیسنه لازم اوله جق شیلرک کافه سی یتشدیرملیدر . از جمله خرج عالم « اشیانک خارجدن تدارکی احتیاطه مفايردر . بر مملکت کور و دمیر معدنلری « ایشلته رک دوکو مخانه لره و پاموق و بوک ایسکی فابریقه لرنه مالک اولمیلیدر. محتاج « اولدینی حبوباتی کوری و دمیری ایسکی و قاشلری خارجدن تدارک ایدرایسه « محاربه و یا بر بحران وقوعنده برچوق مشکلاته اوغزار .

ایشته بوکی نظریات میدان بولهرق مواد اصلیه دن معدود اولان بعض

اشیایه بیه اغر کمرک رسملری طرح ایتک و بمضیلرینک ادخالنی ده بسبتون منع ایلمک کبی سقیم برمسلك اتخذ اولمشدر .

سربستی مبادلہ اصولی مروجلری ایسه برمملکتک ثروتی سعی و عمل ایله استحصال اولنه جغنی انکار ایتیمورلرایسه ده مساعی افرادک صورت مناسبه ده مصروف اولسی لازم کلدیکی بیان و مملک اجنبیه محصولاته و علی الخصوص مواد اصلیه اوزرینه ضرب ایدیلان اغر کمرک رسومنک زراعت ، تجارت و صنایعک ترقیسنه و بناء علیه ثروت ملیهنک ترایدینه مانع اولدیغنی ادعا ایدیورلر .

مرحوم سلیمان سودی افندیکنک دفتر مقتصدنده بوخصوصه مصادف نظر مطالعه من اولان بعض فقراتک بروجہ آتی عیناً نقلی مناسب کورلمشدر .

«ارض اوزرنده وجوده کلان محصولاتک توزیع و تقسیم حقیقه کی اراده ازلیه ربانیه بی تعداد واحصا ایلمک قابل اولدی بی کبی کثیر النفوس اولان اهلایسنک سعی و غیرت ویا هنر و معرفتلیله حصوله کتوردکلری معمولات و مصنوعاتک اجناس و انواعنی ده تعداد ایتک ممکناندن دکلدر .

«مکرکه قوه مفکره نوع بی بشرک جمله سنی برعالبه حکمنده طو توبده محصولات و مصنوعات موجوده منک کافه سنی ، خزینہ الهیهدن هر فردی مزروق قیلحق ایچون ایرادلامش اولدینی خیال باطلنه ذهاب ایتش اوله .

«هرکون هر دقیقه کوریلوب طوریلورکه ، جناب باری برفرده احسان ایتش اولدینی خصائصی دیگرینه ده انعام ایدیور . احتیاجات مشترکه جمعیت بشریه منک نقطه موازنه سی اولیور . (بند) دنیا ، ذاتک مسکونی اولان اهلینک احتیاجانی ایله برابر کندوسنک وجودینه باعث اولان دارلره تقسیم اولنماش اولدیغنی کوستریور .

«مثلاً : بورانی معدن جهتدن اوراسی قهوه ، نیرتات ، فوسفات کوکورت چای یوزندن ، شوراسی مجوهرات خصوصندن غنیم و متم اولدینی کوزلره چاریوب طوریور .

«طبیعت، کندو مملکتده حاصل اولیان شیرلی سائر مملکتلرده اراپوب بولغه، انسانی ترغیب ایدپور ایسه انسانده کندو اراضیسندده حصوله کتوردیکی شیرلی درجه علیاده بولندیرمق خصیصه سنه سی ایدپور .

«ممالک اجنبیه ایله اخذ واعطائی توسیعه بذل غیرت ایدن بر مملکت، تجارت خارجیه سی ارتدیرد قجه تجارت داخلیه سی ارتدیرمش اولور . اصول مبادله ده بو برهانک انکاری قابل دکلدر .

«بخشایش طبیعت اولان قوانینه نظر اولنور ایسه بر مملکتده حصوله گلیان شیر، دیگر مملکت و دیارده مبذول اوله رق وجوده کلدیکندن ممالک اجنبیه ایله برنسبت لایقده اجرای معامله ایدمک نه درجه لرده اهم والزم اولدینی ادنا ملاحظه ایله ظاهر اولور .

«انکلترده فرانسه نك شرابی، اسپانیانك میوه سی حاصل اتمک، امید برونسده بر صورت مستمرده انقره نك تفتیک کچیلرینی یتشدیرمک، ارضرومده همین قهوه سی حصوله کتیرمک کبی طبیعت خارجنده کی امیدلرده دوشمکه بکزر .»
مبادله اصولی طرفدارانك موافق حکمت اولان نظریاتی وقوعالده تاید اتمش اولدیغندن حکومتلر هم اصول حمایتکاری مروجلرندن بولنان ارباب زراعتی همده بواسولدن طولانی منفعتلری سکته دار اولان ارباب صنایعی ممنون اتمش اولمق ایچون بغدادی ایچون (échelle mobile) مقیاس متحرک اصولی ایجاد اتمشلردرکه بوده بغدادی محصولی مبذول اولدینی زمانلرده خارجدن بغدادی ادخاله امکان ویرمامک مقصدینه مبنی آغر، محصول وسط بر راده ده اولدینی زمانلرده معتدل کمرک رسملری وضع اتمکدن و محصول غیر کافی اولدینی سنه لرده ده بغدادی کمرک رسم کرکدن معفو اوله رق ادخاله مساعده ایلکمکن عبارت ایدی .

بواصول سایه سنده زمامداران امور لزومنده زراعت محلیه یی حمایتده بیله .
جکلرینی ظن اتمش ایدی : لکن برصنف اهالینک منافعی وقایه ایده یمدیرایکن دیگر برصنفک منافعی فدا ایده جکلرینی دوشونما مشلر ایدی چونکه بغدادین آغر کمرک رسملری استیفاسی یوزندن حوائج ضروریه نك برنجیسی اولان اککک

بهايه چيقمسندن طولايى عمله، فابريقه صاحبلىندن فضله اجرت طلب واستحصل
ايتمش اولدقلرندن فابريقه صاحبلى متضرراولمش ومعامله لرينه دوام ايده ميه جك
برحاله ككشلىر ايدى .

رده مقياس متحرك اصولنك ماهيت . موقتة سنه نظر آ بغدادى جلب ايتك
اوزره امريكا ، طونه و روسيه ميه سفينه كوندرن تجاره، سفينه لرى عودت ايدنجيه
قدر بغدادى ايچون نه مقدار رسم ايضا ايده جكلىرى سيلمدكلىرى جهته دانلار حال
تردد ايچنده بولندقلرندن معاملات تجاريه لرينه دوام ايده من اولدلىر . ايشته ارباب
صنايعك شكايته ارباب تجارك ده شكايى انضمام ايدنجيه حكومتلر مذكور اصولى
الفا ايله يرينه ثابت بر رسم كرك تعمينه وانككتره كى بمض دولترده بغدادى دن رسم
كرك استيفاسندن فراغه مجبور اولمشلىر ايدى .

زراعت محليه ميه حمايه داعيه سيله بغدادى اوزرينه اغر كرك رسملىرى طرح
ايدلمش اولدينى مثلاً بياغى ياموق و دمير كى مواد اصليه دن اولان اشيا اوزرينه ده
اغر رسملر ضرب اولمشيدى . انجق محصولات محليه دن اولان بوموادك داخل
مملكته رواجنى تأمين صورتيه مستحصللرنى حمايه ايتك مقصدينه مبنى
استيفا اولان آغر رسوم . بومواد اصليه ايله اعمال ايدى لان امتعه واشيانك
بهالى مال اولسنه و ممالك اجنبه بازارلرنده معمولات ممايله ريه رقابت ايده مامسنه
وبناء عليه صنايع محليه نك دوچار تعطيل اولسنه بادي اولمش اولديغندن
فابريقه صاحبلى شكايه ايله معمولات و مضوعات محليه نك حين اخراجنده ،
بونلره داخل اولان مواد اصليه ايچون ايضا ايدى لان رسم كرك رد و اعاده سنى
ادعا ايتمشلىردى بوادعانك حتى حكومت رجده تسليم ايدلمش اولديغندن Drawback
ناميله معروف اولان اصول ايجاد اولمشدر كه بوده معمولات و مصنوعاته داخل
اولان مواد اصليه نك مقدارينى تخمين ايله حين ادخالده بومواد ايچون نه قدر ،
كرك رسمى النمش ايسه بونى ، مصنوعاتك حين اخراجنده رد و اعاده ايتمكن
عبارتدر . واقعا بواصول مصنوعاتك اجنبى بازارلرنده رواجنى بدرجه قدر
تأمين ايتمش ايسمه ديكر طرفدن خزينه دولت و ارباب تجارت ايچون موجب

ضایعات اولمشدر . چونکه برارشون ایپکلی ویا یوکلی قماش ویا باصمه وچوقده نه مقدار ایپک پاموق و یوک استعمال اولدیغنی تقدیر ایتمک مشکل وبعضاًده غیرقابل اولدیغندن اکثریا کمرک ادارهلری الدقلری رسمدن فضله یاره ردو اعاده ایتمکده ایدی . تجار ایسه مواد اصلیه یی ادخال ایدر ایکن کمرک ادارهلرینه رسم کمرکی بوجه پیشین ایفا ایتمکدری جهنله بومبالغ کندولرینه اعاده اولنجه یه قدر بکن اوزون مدت ایچون یاره لرینک فائضی غائب ایتمکده و برده لزومندن فضله سرمایه قوللانمغه مجبور بولنمقده ایدی ایشته بواسولکده محاذیر و مضراتی تحققی ایدنجه الغایله رینه (*admission temporaire*) موقتاً قبول اصولی ایجاد ایدلمشدرکه بوده مواد اصلیه نک کمرک رسمندن معفو اوله رق ادخالنه مساعدده اوله رق بوکا مقابل برمدت معینه ظرفنده مقدار معادل معمولات و معضوعات اخراج اولنق تعهدینی متضمن برسند اعطاسندن عبارتدر .

لکن *drawbak* اصولی مثللو *admission temporaire* اصولی ده بر طاقم معاملات ، تأخرات و مشکلاتی مستلزم اولدیغندن علی العموم ارباب تجارت بونک علیه ایدی . بوتحیدات و تکالیف متنوعه نک داخل مملکتده اوافق تفک صنایعک ترقیسنه مانع اولوب یالکیز بیوک فابریقه لرک منافعه خدمت ایتدیکی و بوضورتله مستهلکارک متفعی مستحصللرک منفعته فدا اولدینی نظر اعتباره النغه باشلادی . ارباب فنون اصول حمایتک داعی اولدینی بوکبی تحیدات و مشکلاتک مضرات عدیده سندن بجنله بر مملکتک رفاه و سعادتک عملک حد ذاتنده دکل محصولات و مصنوعاتک مبذول واهون بولمنسندن و مملکت داخلنده قابل مبادله اولق اوزره ممکن اولدینی ندر چوق محصولات و مصنوعات وجوده کتیريله بیلمسی ایچون ، عملک ، یالکیز مملکت واهالیسنک استعداد و قابلیتی کوریلان صنایعه مصروف اولمسنده ارامق لازمکلدیکنی ورقابتک مضراولمیب بالعمک صنایعک ترقیسنه خادم اولدیغنی بیاندن خالی قالمیورلر ایدی .

ایشته بو حقائق نظام ایدنجه کمرک اصولی تعدیل اوله رق اصول حمایتدن تدریجاً صرف نظر ایدلمش و کمرک رسمی خزینة دولته واردات تدارکنه خادم

بر تدبیر ماهیتند قالمشدر .

كرك رسومی ایست بر مقصد حمایتکاری به مستند اولسون ایسترخزینهدولته واردات تدارکی مقصدینه مبتنی بولنسون اخراجات ، ترانسیت ، ادخالات وسیرسفائن اعتباریله درت نوعه تقسیم اولنه بیلور .

ق.ع.طنطن

مابعدی وار

معاهدات

۱۳

فرانسه قایتولاسیونلری

۹

۳ — اليوم مرعی اولان احکام

اجنبی قونسولوسخانهلرده یرلیدن ترجمان صفتیله استخدام اولنانلرك حقوق و امتیازات و مكلفیاتی سفارتلرله بعدالایتنلاف نشر ایدلمش اولان بر نظامنامه مخصوصده مندرج بولندیغنی سویلمش ایدم . قواصلردن دخی بحث و كرك انلری كرك هر قونسولوسك درجه مأموریتنه كوره تبعه عثمانیهدن ایكیدن درده قدر قوللانه بیله چكی ترجمانلری خدمه ممتازه و شحمی موقت عنوانلریله یاد ایدن اشبو نظامك قوبیدیغنی اساس ، مستخدمین ممتازه هانكی دولتك خدمتمنده بولنیورلرسه بو خدمتمنده بولندقلری مدتیجه او دولتك تبعهسی درجه سنده حائز حقوق و ممتازیت اولمالریدر . سفارت ترجمانلری حقتنده بو یولده بر نظام مخصوص یوقدر . ۱۱۵۳ قایتولاسیونی انلرك حال و موقعی ۴۳ نجی ماده سنده بروجه آنی تعیین ایدیور :

« ایاجیلری خدمتمنده اولان ترجمانلر فرانجه لولره عنایت اولنان معافیت انلرك حقتنده دخی مقرر اوله . »

شو ماده عهدیه نك حكمی قونسلا توردی كی ترجمانلره دائر احكام نظامیه